

T5582/7320

二

二

御選歷代詩餘卷十七目錄

珠簾捲

歐陽修

望仙樓

晏幾道

一落索

賀鑄

呂渭老

相思兒令

晏殊

憶少年

御選歷代詩餘卷十七目錄起四十七字至四十八字

珠簾捲

歐陽修

望仙樓

晏幾道

一落索又一體

賀鑄

呂渭老

相思兒令

晏殊

憶少年又一體



御選歷代詩餘 卷十七

曹組

万俟雅言

孫道綯

玉連環 又一體

張先

向子諲

王世懋

聖無憂

歐陽修

賀聖朝

無名氏

前調 又一體

黃庭堅

前調 又一體

杜安世

前調 又一體

杜安世

甘草子

寇準

柳永 二首

楊元咎

朝中措

歐陽修 二首

周紫芝 三首

葛郊

李祁

向子諲

蔡伸 二首

趙師俠 五首

趙長卿 三首

張掄 六首

朱敦儒

曾覲 六首

楊无咎

侯寘 七首

辛棄疾 五首

范成大 三首

陳三聘 二首

黃公度 二首

程垓 三首

陸游 三首

趙彥端

管鑑

閻丘次杲

馬莊父

王炎 二首

盧炳

沈端節

吳文英 三首

張炎

完顏璫

高士談

段成已

元好問 二首

張雨

吳子孝 四首

前調 又一體

趙長卿

韓澆 七首

吳洪 二首

秋蕊香

晏殊 二首

晏幾道 二首

張耒

周邦彥

方千里

楊澤民

趙希彭

吳文英 二首

陳允平

黃鑄

王從叔

御選歷代詩餘卷十七目錄

御選歷代詩餘卷十七

起四十七字至四十八字

司經局洗馬掌局事兼翰林院修撰加二級臣王奕清奉

旨校刊

珠簾捲

以歐陽修詞起句為調名本雙調四十七字或去起句雲字今依六一詞正之

珠簾捲

歐陽修

珠簾捲暮雲愁垂煙暗鎖青樓煙雨濛濛如畫輕風吹
旋收香斷錦屏新別人間玉簫初秋多少舊歡新恨
書杳杳夢悠悠

望仙樓

一名胡搗練雙調四十七字

望仙樓

晏幾道

小春花信日邊來未上江梅先拆今歲東君消息還自
南枝得素衣染盡天香玉酒添成國色一自故溪疎
隔腸斷長相憶

一落索

又一體雙調
四十七字

一落索

賀鑄

初見碧紗牕下繡寸波頻溜錯將黃暈壓檀花翠袖掩
纖纖手金縷一雙紅豆情通色授不應舞愛學垂楊
甚長為春風瘦

前調

呂渭老

蟬帶殘聲移別樹晚涼房戶秋風有意染黃花下幾點
淒涼雨渺渺雙鴻飛去亂雲深處一山紅葉為誰愁
供不盡相思句

相思兒令

雙調四十七字
與相思引無涉

相思兒令

晏殊

昨日探春消息湖上綠波平無奈繞堤芳草還向舊痕
生有酒且醉瑤觥更何妨檀板新聲誰教楊柳千絲
就中牽繫人情

憶少年

又一體雙調四十七字與十二時之
別名相辨者在後段之長短平仄也

憶少年

曹組

年時酒伴年時去處年時春色清明又近也却天涯為客
念過眼光陰難再得想前歡盡成陳迹登臨恨無語把闌干暗拍

前調 隴首山

万俟雅言

隴雲溶曳隴山峻秀隴泉鳴咽行行暫駐馬已不勝愁絕
上隴首凝眸天四闊更一聲寒鴈淒切征書待寄遠有知心明月

前調 送葛氏姪女

宋媛 孫道綯

雨晴雲斂煙花淡蕩遙山凝碧驅車問征路賞春風南陌
正雨後梨花幽豔白悔匆匆過了寒食歸家漸春

暮探酴醿消息

玉連環

又一體雙調四十七字前四十五字者即一落索之一體此比一落索前段多二字平仄亦異

玉連環

張先

南園已恨歸來晚芳菲滿眼春工偏上好花多疑不向
空枝暖惜恐紅雲易散叢叢看徧當時猶有蕊如梅
向幾日東風綻

前調

向子諲

春風斷送前山雨行雲歸去朝來須信本無心回首了
無尋處欲問箇中去路阿誰能語澄江霽月却深知
把此意都分付

前調

王世懋

青青無數金堤柳弄絲拋絮夕陽疎影那人家前歲紫
騮曾駐 惆悵白花飛處要留難住任他流水作浮萍
花未去春先去

聖無憂

一名烏夜啼四十七字觀李煜烏夜啼詞與歐陽修
聖無憂詞略無分別實一調而異名另立一調者非

聖無憂

歐陽修

世路風波險十年一別須臾人生聚散長如此相見且
歡娛 好酒能消光景春風不染鬢鬢為公一醉花前
倒紅袖莫來扶

賀聖朝

本唐教坊樂名後以
名詞雙調四十七字

賀聖朝

無名氏

白露點曉星明滅秋風落葉故址頽垣冷煙衰草前朝
宮闕 長安道上行客依舊利深名切改變容顏消磨
今古隴頭殘月

前調

黃庭堅

脫霜披茜初登第名高得意櫻桃榮宴玉池遊領羣仙
行綴 佳人何事輕相戲道得之何濟君家聲譽古無
雙且均平為二

前調

杜安世

牡丹盛拆春將暮羣芳羞妒幾時流落在人間半閒仙

御選唐詩餘 卷十七
露馨香豔冶吟看醉賞歎誰能留住莫辭持燭夜深
深怨等閒風雨

前調

又一體

杜安世

東君造物無凝滯芳容相替杏花桃萼一時開就中明
媚綠叢金朶枝長葉細稱花王相待萬般堪愛暫時
見了斷腸無計

甘草子

雙調四十七字

甘草子

寇準

春早柳絲無力低拂青門道暖日籠啼鳥初拆桃花小
遙望碧天淨如掃曳一縷輕寒縹緲堪惜流年對芳

草任玉壺傾倒

前調

柳永

秋暮亂灑衰荷顆顆真珠雨雨過月華生冷徹鴛鴦浦
池上凭闌愁無侶奈此箇單棲情緒却傍金籠共鸚
鵡念粉郎言語

前調

柳永

秋盡葉翦紅綃砌菊遺金粉鴈字一行來還有邊庭信
飄散露華清風緊動翠幕曉寒猶嫩中酒殘妝慵整
頓聚兩眉離恨

前調

楊无咎

秋暮永夜西樓冷月明牕戶夢破櫓聲中憶在松江路

行選歷代言食 卷十七 五
敲枕試尋曾遊處記歷歷風光堪數誰與浮家五湖
去儘醉眠秋雨

朝中措

此調始於歐陽修平山堂一詞後因李祁詞有初見照江梅之句又一名照江梅雙調四十八字

朝中措

歐陽修

平山闌檻倚晴空山色有無中手種堂前楊柳別來幾
度春風文章太守揮毫萬字一飲千鍾行樂直須年
少尊前看取衰翁

前調

歐陽修

暮山環翠繞層闌時節歲將殘遠鴈不傳家信空能嘹
唳雲間客程無盡歸心易感誰與忘年早晚臨流凝

望幾帆催却風竿

前調

二妙堂落成招廬山

周紫芝

大江流處是廬峰蒼玉照晴空何事淺鬢濃黛却成煙
雨溟濛如今縱有雲濤萬頃翠巘千重傳語雲間五
老一尊須要君同

前調

周紫芝

雨餘庭院冷蕭蕭簾幕度微颺鳥語喚回殘夢春寒勒
住花梢無慘睡起新愁黯黯新路迢迢又是夕陽時
候一爐沉水煙消

前調

周紫芝

黃昏樓閣亂棲鴉天末淡餘霞風裏一池楊柳月邊滿

御選歷代詩餘 卷十七
樹梨花 陽臺路遠魚沉尺素人在天涯想得小牕遙
夜哀絃撥斷琵琶

前調

送蔡定夫

葛 郊

雙鞬錦領出山西戎幕護旌旗橫梨春風百咏臨淮夜
月千卮 風流尊俎瑤花破豔紅藥橫枝賞盡竹西歌
吹珠簾十里香迷

前調

李 祁

郎官湖上探春迴初見照江梅過盡竹溪流水無人知
道花開 佳人何處江南夢遠殊未歸來喚取小叢教
看隔江煙雨樓臺

前調

王景源生日

向子諲

滿城臘雪淨無埃觸處是花開天上瓊林珠樹誰知夜
半移來 黃堂薦壽請君著意和氣潛回化作一江春
酒都將注入尊罍

前調

蔡 伸

章臺楊柳月依依飛絮送春歸院宇日長人靜園林綠
暗紅稀 庭花謝了行雲散後物是人非惟有一襟清
淚凭闌灑徧殘枝

前調

蔡 伸

雨餘清鏡湛秋容屏展九華峰萬里閒雲散盡半規涼
月當空 樓高夜永憑闌笑語此際誰同端有妙人攜
手翛然歸路凌風

前調

中秋麥湖舟中

趙師俠

西風著意送歸船家近總欣然去日梅開爛漫歸時秋
滿山川京華倦客難堪羈思歷盡愁邊寄語姮娥休
笑月圓人亦團圓

前調

山礬

趙師俠

亂山春過雪成堆七里遞香回蕊簇玲瓏金粟花裝碎
屑玫瑰蘭衰梅謝桃粗李俗誰與追隨清絕殿春仙
侶清風吹破荼蘼

前調

月季

趙師俠

開隨律琯度芳辰鮮豔見天真不比浮花浪蕊天教月
月常新薔薇顏色玫瑰態度寶相精神休數歲時月

季仙家欄檻長春

前調

贈王宜之

趙師俠

省間黃色喜何如花縣拜恩初五品榮頒命服十行祇
奉天書萱堂繡閣均封大邑盛事同居此日銀章朱
紱行看玉帶金魚

前調

莆中共樂臺

趙師俠

斜陽留照有餘紅煙靄淡冥濛麥隴青搖一望前山翠
失雙峰高臺徙倚松飄逸韻梅減冰容俯視塵寰如
掌翩然我欲乘風

前調

趙長卿

亂山疊疊水泠泠南北短長亭客路如天杳杳歸心特

地寧寧 春光荏苒花朝冷落酒伴飄零鬢影黃邊漸
綠燒痕黑處重青

前調

譙曾端行
南山樓

趙長卿

柳林暮暮暮煙斜秋水淺平沙樓外碧天無際紫山斷
處橫霞 星稀漸覺東檐隱月涼到牕紗多少傷懷往
事隔溪燈火人家

前調

趙長卿

征帆一縷轉彎斜驚鷺起汀沙點點隨風逆上滿江飛
破殘霞 樓前光景樓心紅粉蟬翼輕紗却憶錢塘江
上曲闌橫檻他家

前調

張掄

吳松江影漾清輝山遠翠痕微楊柳風輕日永桃花浪
暖魚肥 東來西往隨情任性本自無機何事沙邊鷗
鷺一聲欸乃驚飛

前調

張掄

沙明波淨小汀洲楓落洞庭秋紅蓼白蘋深處晚風吹
轉船頭 鱸魚釣得銀絲旋鱠白酒新篘一笑月寒煙
暝人間萬事都休

前調

張掄

鳴榔驚起鷺鷥飛山遠水瀾瀾米賤茆柴酒美霜清螃
蟹螯肥 人生所貴逍遙快意此外皆非却笑東山太
傅幾曾夢見蓑衣

前調

紅塵光景事如何擾擾利名多若問儂家活計扁舟小
笠輕蓑 一尊美酒一輪皓月一弄山歌險甚掀天白
浪未如人世風波

張掄

前調

雪景

蕭蕭蘆葉暮寒生雪壓凍雲平密灑一蓬煙火驚鴻飛
起沙汀 收綸罷釣空江有浪短檣無聲便是天然圖
畫何須妙手丹青

張掄

前調

燈花挑盡夜將闌斜掩小屏山一點涼蟾窺幔釧敲玉
臂生寒 起來無緒爐熏燼冷桐葉聲乾都把沉思幽

張掄

恨明朝分付着端

前調

朱敦儒

當年挾彈五陵間行處萬人看雪獵星飛羽箭春遊花
簇雕鞍 飄零到此天涯倦客海上蒼顏多謝江南蘇
小樽前怪我青衫

前調

趙知閣
生日

曾覲

畫堂簾捲獸香濃花上雪玲瓏平地十洲三島蟠桃已
試春紅 清時舊德仙姿難老主眷方隆爛醉笙歌叢
裏年年先占春風

前調

曾覲

金沙架上日瓊瓏濃綠襯輕紅花下兩行紅袖直疑春

在壺中 如今尚覺惜花愛酒依舊情濃無限少年心
緒從教醉倒東風

前調

曾覲

休論社燕與秋鴻時節太匆匆海上一番微雨朱門濃
綠陰中 主人情厚金杯滿泛且共從容莫問鶯花俱
老今朝猶是春風

前調

曾覲

西湖南北舊遊空誰料一尊同回首四年間事渾如飛
絮濛濛 林花謝了明年春到依舊芳容惟有朱顏綠
鬢暗隨流水常東

前調

贈南劍
瞿守

曾覲

雙溪樓上凭闌時激灩泛金卮醉倒鬧花深處歌聲遏
住雲飛 風流太守鸞臺家世玉鑑丰姿行奉紫泥褒
詔要看擊浪天池

前調

維揚
感懷

曾覲

雕車南陌碾香塵一夢尚如新回首舊遊何在柳煙花
霧迷春 如今霜鬢愁停短棹懶傍清尊二十四橋風
月尋思只有消魂

前調

茶詞

楊无咎

杯盤狼藉燭參差欲去未容辭春雪看飛金碾香雲旋
湧花甃 雍容四座矜誇一品重聽新詞歸路清風兩
腋不妨輕撚銀鬚

前調 雙頭芍藥

侯 寘

翻階紅藥競芬芳著意巧成雙須識揚州國豔舊時曾在昭陽 盈盈背立同心對綰聯萼飛香牢貯深沉金屋任教蝶困蜂忙

前調 建康大雪

侯 寘

漏雲初見六花開驚巧妒江梅飄灑元戎小隊玉妝旌旆歸來 恩同化手春回隴畝懽倒尊壘記取明朝登覽綠漪惟有秦淮

前調 謝郭道深惠菊有二小鬟

侯 寘

露英雲萼一般清揉雪更雕瓊預喜重陽登覽人家插帽浮觥 分香減翠殷勤遠寄珍重多情不似綺牕雙

豔向人解語傾城

前調

侯 寘

依微春綠徧江干煙水小屏寒惆悵鴈行南北新詞不忍拈看 從今寄取臨風把酒役夢忘餐飛絮落花時候扁舟也到孤山

前調

侯 寘

風簾交翠篆香飄却暑捲輕綃最好佳辰相近壽觴對飲連宵 仙翁未老雲中跨鳳臺上吹簫看取他年榮事魚軒入侍塗椒

前調 元夕上劉共甫

侯 寘

年來玉帳罷兵籌燈市小遲留花外香隨金勒酒邊人

倚紅樓 沙堤此去傳柑侍宴天上風流還記月華小
隊春風十里潭州

前調 為雲菴壽

侯 寘

年年重午近佳辰符艾一番新滿酌九霞奇醞壽君兩
鬢長春 閨中秀美何如賦得林下精神早辦荆釵布
衲共為雲水閒人

前調 醉歸祐之第

辛棄疾

籃輿嫋嫋破重岡玉笛兩紅妝這裏都愁酒盡那邊正
和詩忙 為誰醉倒為誰歸去都莫思量白水東邊籬
落斜陽欲下牛羊

前調

辛棄疾

夜深殘月過山房睡覺北牕涼起遶中庭獨步一天星
斗文章 朝來客話山林鍾鼎那處難忘君向沙頭細
問白鷗知我行藏

前調 為人壽二首

辛棄疾

年年黃菊豔秋風更有拒霜紅黃似舊時宮額紅如此
日芳容 青青未老尊前要看兒輩平戎試釀西江為
壽西江綠水無窮

前調

辛棄疾

年年金蕊豔西風人與菊花同霜鬢經春重綠仙姿不
飲長紅 焚香度日從容笑語儘調兒童一歲一杯為
壽從今更數千鍾

前調

九日送楊世長赴南宮

辛棄疾

年年團扇怨秋風，愁絕玉杯空。山下臥龍，丰度臺前戲，鳥英雄。而今休也，花殘一似人老，花同莫怪東籬韻。減只今丹桂香濃。

前調

范成大

身閒身健是生涯，何況好年華。看了十分秋月，重陽更插黃花。消磨景物，瓦盆社釀，石鼎山茶，飽喫紅蓮香飯。儂家便是仙家。

前調

范成大

繫船沽酒碧帘坊，酒滿勝鵝黃。醉後西園入夢，東風柳色花香。水浮天處，夕陽如錦，恰似鱸鄉。中有憶人雙

淚幾時流到橫塘

前調

范成大

草堂春過一分餘，幽事酒醒初。琴調細鳴，焦木矢聲不斷，銅壺關心藥裏，忘年蓑笠。自著潛夫，雨後長鏡東麓，月明短艇西湖。

前調

陳三聘

求田何處是生涯，雙鬢已先華。隨分夏涼冬暖，賞心秋月春花。吾年如此，愁來問酒，困後呼茶。結社竹林詩老，卜鄰江上漁家。

前調

陳三聘

去年曾醉杏花坊，柳色間輕黃。重覓舊時行迹，春風滿

路梅香 平沙岸草夫差故國知是吾鄉夢斷數聲柔
櫓只應已過橫塘

前調

黃公度

幽香冷豔綴疎枝橫影臥霜溪清楚渾如南郭孤高絕
似東籬 歲寒風味黃花盡處密雪飛時不比三春桃
李芳菲急在人知

前調

黃公度

屑瑤飛絮滿層空人在廣寒宮已覺樓臺改觀漸看桃
李春融 一城和氣賓筵不夜舞態回風正是爲霖手
段南來先做年豐

前調

茶詞
二首

程垓

華筵飲散撤芳尊人影亂紛紛且約玉驄留住細將團
鳳平分 一甌看取招回酒興爽徹詩魂歌罷清風兩
腋歸來明月千門

前調

程垓

龍團分罷覺芳滋歌徹碧雲詞翠袖且留纖玉沉香載
捧冰甌 一聲清唱半甌輕啜愁緒如絲記取臨分餘
味圖教歸後相思

前調

程垓

片花飛後水東流無計挽春留香小誰栽杜若夢回依
舊揚州 破瓜年在嬌花豔冶舞柳纖柔莫道劉郎霜
鬢才情未放春休

前調

怕歌愁舞嬾逢迎
妝晚托春醒
總是向人深處
當時枉道無情
關心近日啼紅
密訴翦綠深盟
杏館花陰恨
淺畫堂銀燭嫌明

陸游

前調

襲襲儺鼓餞流年
燭燄動金船
綵燕難尋前夢
醉花空點春妍
文園謝病蘭成
久旅回首淒然
明月梅花笛
夜和風禹廟鶯天

陸游

前調

幽姿不入少年場
無語只淒涼
一個飄零身世
十分冷淡心腸
江頭月底新詩
舊夢孤恨清香
任是春風不

陸游

管也曾先識東皇

前調

趙彥端

山礬風味更梨花
清白競春華
試問西園春夜
何如山崦人家
楚東千嶂吳江
一棹雲路非賒
惟有相思南地
可憐淡月朝霞

前調

立夏日觀
茶蘼作

管鑑

一年春事到茶蘼
何處更花開
莫趁垂楊飛絮
且隨紅藥翻階
倦遊老矣肯因
名宦孤負銜杯
寄語故園桃李
李明年留待歸來

前調

浮雲

閻丘次杲

橫江一抹是平沙
沙上幾千家
到得人家盡處
依然水

接天涯 危欄送目翩翩去 鷓鴣點點歸鴉 漁唱不知何處 都應只在蘆花

前調 竹

馬莊父

龍孫脫穎破苔紋 英氣欲凌雲 深處未須留客 春風自掩柴門 蒲團宴坐 輕敲茶臼 細撲爐熏 彈到琴心 三疊鷓鴣啼 傍黃昏

前調

九月末水仙開

王炎

薔薇露染玉香肌 欲試縷金衣 一種出塵丰度 偏宜月伴風隨 初疑邂逅 湘妃洛女 似是還非 只恐乘雲輕舉 翩然飛度 瑤池

前調

王炎

杜鵑聲斷日曛曛 過雨濕殘紅 老色菱花影裏 客愁蕉葉聲中 柳梢飛絮 桃梢結子 斷送春風 莫恨春無覓處 明年還醉芳叢

前調

盧炳

晚來天氣十分涼 時候近重陽 村落人家 瀟灑籬邊 黃菊芬芳 年來漸覺 詩腸愈窄 酒量偏狂 好景不須放過 何妨一醉千場

前調

平山

沈端節

天遙野闊 鴈書空山 遠暮雲中 目斷江南 煙雨閒來 敲枕春風 功名富貴 何須計較 煙際疎鐘 解道淺妝濃抹 從來惟有坡翁

前調贈趙梅壑

吳文英

吳山相對越山青
湘水一春平
粉字情深題葉紅
波香染浮萍
朝雲暮雨玉壺塵
世金屋瑤京晚雨西陵潮
汛沙鷗不似身輕

前調題蘭室道女扇

吳文英

林皋相遇笑盈盈
江碧遠山青
露重寒香有恨月明秋
珮無聲
銀燈炙了金爐燼
暖真色羅屏病起十分清
瘦夢闌一寸春情

前調聞桂香

吳文英

海東明月鎖雲陰
花在月中心
天外幽香清漏人間仙
影難尋
并刀翦葉一枝曉
露綠鬢曾簪惟有別時難

忘冷煙疎雨秋深

前調

張炎

清明時節雨聲譁
潮擁渡頭沙
翻砂梨花冷看人生苦
戀天涯
燕簾鶯戶雲牕霧閣酒醒啼鴉
折得一枝楊柳歸來插向誰家

前調

完顏壽

襄陽古道灞陵橋
詩興與秋高
千古風流人物一時多
少英豪
霜清玉塞雲飛隴
首風落江皋夢到鳳凰臺
上山圍故國周遭

前調

高士談

瑯琊山色最清雄
心賞待衰翁
路轉峰回如畫新
亭半

濕青紅 風流賓從清閒歲月且共從容莫笑尊前老
大猶堪管領春風

前調 偶出見墻頭杏花

段成已

無言脈脈怨春遲一種可憐枝最是難忘情處牆頭微
露些兒 十分細看風流却在一半開時正要東風擡
舉莫教吹破臙脂

前調 瑞香

元好問

御香生拆紫囊封萼萼綠雲叢開晚只嗔寒勒妝成又
怕晴烘 化工也為花中第一熏染偏濃誰有石家紅
錦重重圍住春風

前調

元好問

春閨寂寂掩蒼苔風雨捲春回擬寫碧雲心事筆頭無
句安排 燈昏酒冷愁牽夢引直似秋懷料得醅醪知
我枕邊時有香來

前調

張雨

草堂移住古城隈堂後水平階要結柴桑鄰里不須鷗
鷺驚猜 行廚竹裏園官菜把野老山杯說與定巢新
燕杏花開了重來

前調 月中與客遊虎丘

吳子孝

月華化作水晶宮萬頃系光融却羨虎丘樓閣參差直
起天中 試登絕頂星低近戶夜永無風沙浦一聲歸
鴈石壇幾樹疎桐

前調

壺山近在月明中
鞭鶴上層空
鶴背獨攜玉笛
夜深吹向霜風
鸞坡舊侶玉容
生新夢
茂苑相逢歸去
紫皇宮闕飄然同跨飛虹

吳子孝

前調

兩後泊虎丘無月

斷雲殘月夕陽天
菱碧小汀溪邊
畫鼓驚飛浴鷺
蘭橈劃破輕煙
停杯試聽歌浦
可白雪
箏語朱絃
橋畔綠楊葉暗船頭紅藕花鮮

吳子孝

前調

吳子孝

山空花落不逢僧
臺殿砵沙層層
鶴澗雲華猶幕
劒池水氣如蒸
桂蟾不見管絃
相逐
高興難勝
夜半上方聞

唄千枝寶塔然燈

前調

又一體

趙長卿

別來無事不思量
霜日最淒涼
凝想倚闌干
處攢眉應為蕭郎
梅花豈管人消瘦
只恁自芬芳
寄語行人知否
梅花得似人香

前調

韓澆

池塘春草燕飛飛
人醉牡丹時
多少姚黃魏紫
搗成膩粉
燕脂謫仙醉把
平章看晴影
度簾遲
花外一聲鶉鳩柳邊幾箇黃鸝

前調

和吳子似

韓澆

春濃人靜倦游嬉
煙雨戰棠梨
翠徑亂紅無數
頻聽啼

上黃鸝 小園流水濺濺處綠徧謝家池怨月恨花滋味淚痕猶染羅衣

前調

韓 澆

扁舟撐月轉江湖煙水湛金鋪篷底曉涼歌罷肌膚冰雪初扶 詩人自是風塵表佳處句能摹屬玉一雙飛去荷花香動菰蒲

前調

韓 澆

誰翻新曲玉溪濱何日得爲鄰醉裏行歌相答步隨泉石松雲 如今又是梅時候只有眼中人魂斷幽香孤影花間閒整衣巾

前調

韓 澆

水南何事興偏濃花草小園中山氣靜分餘靄泉聲幽轉流淙 午橋坐上英豪客今昔爲誰容不是倚樓人在登臨無地攜筇

前調

韓 澆

霓裳霞珮淡丰容雲冷露華濃喚起石丁歸去冥冥仙仗崆峒 人間秋老花饒笑清映小簾櫳記取五城深處玉簫吹下天風

前調 九日席上

韓 澆

年年羞插菊花遊華髮不禁秋此日遨頭尋勝消除萬斛清愁 濕雲涼雨南臺上歌動玉溪流俯仰人間今古多情破帽颼颼

前調壽王濟之

吳洪

五湖煙水百花洲風月漾扁舟共羨山中宰相清時嘯
傲林丘名園綠水春無價怡老足觥籌眉壽年年今
日冰壺玉鑑橫秋

前調題五同會圖

吳洪

蒼顏綠鬢並吳儂五老一尊同要識歲寒心事疎梅瘦
竹長松鷓行鷺序肩隨好談笑漫從容但願人生長
久年年得似圖中

秋蕊香

雙調四十八字與秋蕊香引以六十字為調者不相涉

秋蕊香

晏殊

梅蕊雪殘香瘦羅幙輕寒微透多情只似春楊柳占斷
可憐時候蕭孃勸我杯中酒翻紅袖金烏玉兔長飛
走爭得朱顏依舊

前調

晏殊

向曉雪花呈瑞飛徧玉城瑤砌何人翦碎天邊桂散作
瑤田瓊蕊蕭孃斂盡雙蛾翠迴香袂今朝有酒今朝
醉遮莫更長無睡

前調

晏幾道

池苑清陰欲就還傍送春時候眼前人去歡難偶誰共
一杯芳酒朱闌碧砌皆如舊記攜手有情不管別離
久情在相逢終有

前調

晏幾道

歌徹郎君秋草別恨遠山眉小無情莫把多情惱第一
歸來須早紅塵自古長安道故人少相思不比相逢
好此別朱顏應老

前調

張耒

簾幙疎疎風透一綫香飄金獸朱闌倚徧黃昏後廊上
月華如畫別離滋味濃如酒著人瘦此情不及牆東
柳春色年年依舊

前調

周邦彥

乳鴨池塘水暖風緊柳花迎面午妝粉指印腮眼曲裏
長眉翠淺聞知社日停針線探新燕寶釵落枕夢魂

遠簾影參差滿院

前調

和清
真韻

方千里

一枕盤鶯錦暖初起嬾勻妝面綠雲鬟娜映嬌眼酒入
桃腮暈淺翠簾半捲香縈線礙飛燕畫屏淺立意閒
遠春鎖綠沉小院

前調

和清
真韻

楊澤民

向曉銀屏香暖宿蕊猶殘嬌面紅塵一縷透窓眼恨入
春山黛淺短書封了憑金線繫雙燕良人貪逐利名
遠不憶幽花靜院

前調

趙希彭

髻穩冠宜翡翠壓鬢綵絲金蕊遠山碧淺蘸秋水香暖

榴裙襯地 亭亭二八餘年紀惱春意玉雲凝重步塵
細獨立花陰寶砌

前調

落桂

吳文英

寶月驚塵墮曉愁鎖空枝殘照古苔幾點露螢小銷減
秋光旋少 佩丸尚憶春酥裏故人老斷香忍和淚痕
埽魂返東籬夢杳

前調

七夕

吳文英

嬾浴新涼睡早雪壓酒紅侵笑倚樓起把繡針小月冷
秋波夢覺 怕聞井葉西風到恨多少粉河不語墮秋
曉行雨人間未了

前調

和清
真韻

陳允平

晚酌宜城酒暖玉軟嫩紅嬌面醉中窈窕度嬌眼不識
愁深愁淺 繡牕一縷香絨線繫雙燕海棠滿地夕陽
遠明月笙歌別院

前調

黃 鑄

花外數聲風定煙際一痕月淨水晶屏小敲翠枕院靜
鳴蟬相應 香銷斜掩青銅鏡背燈影空砧夜半和鴻
陣秋在劉郎綠鬢

前調

和清
真韻

王從叔

薄薄羅衣乍暖紅入酒痕潮面絮花舞倦帶嬌眼昨夜
平堤水淺 故人信斷風箏線誤歸燕夢魂不怕山路
遠無奈棋聲隔院

御選歷代詩餘卷十七

御選歷代詩餘卷十八目錄四十八字

錦堂春

趙令時

盧祖皋三首

陸游七首

李肩吾

劉迎四首

人月圓

王詵

趙鼎

吳激

趙孟頫

劉因

倪瓚 二首

前調 又一體

楊无咎

前調 又一體

楊无咎

武陵春

晏幾道 三首

毛滂 四首

謝逸

趙師俠

趙長卿 二首

辛棄疾

盧炳

魏氏

趙秋官妻

葛一龍

南唐浣溪紗

南唐李璟 一首

和凝 二首

毛文錫

行選歷代詩餘 卷六
賀鑄 三首

毛滂 二首

周紫芝 二首

陳克

辛棄疾 七首

樓鑄

黃機

高觀國

許棐

石孝友

李清照

楊慎 三首

張大烈

唐世瀚

陳繼儒 二首

馮鼎位

眼兒嬌

賀鑄

王雱

呂渭老

宋齊愈

趙長卿 六首

張元幹

曾覲 二首

左譽

侯寘

范成大

黃公度

趙彥端 二首

陸游

陳亮

黃機 二首

洪咨夔

高觀國

史達祖

韓澆 二首

方岳

尹煥

周密

石孝友

薛夢桂

曾揆

汪元量

朱淑真

無名氏 三首

許古

張大烈

前調 又一體

程垓

葛立方

無名氏

御選歷代詩餘卷十八目錄

御選歷代詩餘卷十八 四十八字

司經局洗馬掌局事兼翰林院修撰加二級臣王奕清奉

旨校刊

錦堂春

一名上西樓一名秋夜月一名憶真妃一名烏夜啼雙調四十八字又有以本調與烏夜啼分作二調按之實無分別則與相見懽聖無憂之別名無異非另有烏夜啼也

錦堂春

趙令時

樓上縈簾弱絮牆頭礙月低
年年春事關心事腸斷
欲栖鴉 舞鏡鸞
衾翠減啼珠鳳蠟紅斜重門不鎖相
思夢隨意繞天涯

前調

盧祖皋

行遊歷代詩餘 卷八
柳色津頭泣綠桃花渡口啼紅一春又負西湖醉離恨
雨聲中 客袂迢迢西塞餘寒翦翦東風誰家拂水飛
來燕惆悵小樓空

前調

盧祖皋

漾暖紋波颭颭吹晴絲雨濛濛輕衫短帽西湖路花氣
撲春驄 鬪草褰衣濕翠秋千瞥眼飛紅日長不放春
醪困立盡海棠風

前調

盧祖皋

段段寒沙淺水蕭蕭暮雨孤篷香羅不共征衫遠砧杵
客愁中 別恨慵看楊柳歸期暗數芙蓉碧梧聲到紗
窗曉昨日幾秋風

前調

陸游

園館青林翠樾衣巾細葛輕紈好風吹散霏微雨沙路
喜新乾 小燕雙飛水際流鶯百轉林端投壺聲斷彈
棋罷閒展道書看

前調

陸游

金鴨餘香尚暖綠窗斜日偏明蘭膏香染雲鬢膩釵滑
墜無聲 冷落秋千侶伴闌珊打馬心情繡屏驚斷瀟
湘夢花外一聲鶯

前調

陸游

素意幽棲物外塵緣浪走天涯歸來猶幸身強健隨分
作山家 已趁餘寒泥酒還乘小雨移花柴門盡日無

人到一徑傍谿斜

前調

陸游

檐角楠陰轉日樓前荔子吹花鷓鴣聲裏霜天晚疊鼓已催衙鄉夢時來枕上京書不到天涯邦人訟少文移省閒院自煎茶

前調

陸游

我校丹臺玉字君書蕊殿雲篇錦官城裏重相遇心事兩依然攜酒何妨處處尋梅共約年年細思上界多官府且作地行仙

前調

陸游

從宦元知漫浪還家更覺清真蘭亭道上多修竹隨處

岸綸巾泉冽偏宜雪茗杭香雅稱絲尊脩然一飽西
窓下天地有閒人

前調

陸游

紈扇嬋娟素月紗巾縹緲輕煙高槐葉長陰初合清潤
雨餘天弄筆斜行小草鈎簾淺醉閒眠更無一點塵
埃到枕上聽新蟬

前調

李肩吾

徑蘚痕沿碧甃檐花影壓紅闌今年春事渾無幾游冶
嬾情慳舊夢鶯鶯沁水新愁燕燕長干重門十二簾
休捲三月尚春寒

前調

劉迎

離恨遠縈楊柳夢魂長繞梨花青山記得章臺月歸路
玉鞭斜 翠鏡啼痕印袖紅牆醉墨籠紗相逢不盡平
生事春思入琵琶

前調

劉迎

菱鏡玉篦秋月蕙爐銀葉朝雲宿醒人困屏山夢煙樹
小江村 翠甲未消蘭恨粉香不斷梅魂離愁分付殘
春雨花外泣黃昏

前調

西湖

劉迎

水漫汀洲新綠雲開崦嶂微青殘紅不見成陰後鷓鴣
寂無聲 笑傲坡公一夢風流杜牧三生西湖依舊人
中意來去竟難憑

前調

劉迎

牆角含霜樹靜樓頭作雪雲垂鈎簾鵲噪空庭晚坐看
月來時 異域書迷鴈足幽閨鏡掩蟲絲一宵兩地腸
千轉惟有夢魂知

人月圓

本王詵詞內句而調名一名青衫濕
取吳激詞中語也雙調四十八字

人月圓

王詵

小桃枝上春來早初試薄羅衣年年此夜華燈競處人
月圓時 禁街簫鼓寒輕夜永纖手同攜夜闌人靜千
門笑語聲在簾幃

前調

趙鼎

連環寶瑟深深願結盡一生愁人間天上佳期勝賞今夜中秋雅歌妍態嫦娥見了應羨風流芳尊美酒年年歲歲月滿高樓

前調

宴張侍御家有感

吳激

南朝千古傷心地還唱後庭花舊時王謝堂前燕子飛入人家恍然一夢仙肌勝雪宮鬢堆鴉江州司馬青衫淚濕同是天涯

前調

趙孟頫

一枝仙桂香生玉消得喚卿卿緩歌金縷輕敲象板傾國傾城幾時不見紅裙翠袖多少閒情想應如舊春山淡淡秋水盈盈

前調

劉因

自從謝病修花史天意不容閒今年新授平章風月檢校雲山門前報道麴生來謁子墨相看先生正爾天張翠蓋山擁雲鬟

前調

倪瓚

傷心莫問前朝事重上越王臺鷓鴣啼處東風草綠殘照花開悵然孤嘯青山故國喬木蒼苔當時明月依衣素影何處飛來

前調

倪瓚

嗚迴一枕當年夢漁唱起南津畫屏雲嶂池塘春草無限消魂舊家應在梧桐覆井楊柳藏門閒身空老孤

蓬聽雨燈火江村

前調又一體

楊无咎

風和日暖餘煙嫩側側透鮫綃相逢且喜人圓玳席月
滿丹霄爛遊勝賞高低燈火鼎沸笙簫一年三百六
十日願長似今宵

前調又一體

楊无咎

月華燈影光相射還是元宵也綺羅如畫笙歌遞響無
限風雅鬧蛾斜插輕衫乍試閒趁遊冶百年三萬六
千夜願長似今夜

武陵春

雙調四

武陵春

晏幾道

綠蕙紅蘭芳信歇金蕊正風流應為詩人多怨秋花意
與銷愁梁王苑路香英密長記舊嬉遊曾看飛瓊戴
滿頭浮動舞涼州

前調

晏幾道

煙柳長堤知幾曲一曲一魂消秋水無情天共遙愁送
木蘭橈熏香繡被心情嬾期信轉迢迢記得來時倚
畫橋紅淚滿鮫綃

前調

毛滂

維岳分公英特氣方丈拂長虹丙魏蕭曹總下風千載
友夔龍寶熏裊翠昏簾繡嘉頌珮紳同不用黃精掃

御製蘇氏詩餘

卷七

武陵春

六

鬢中元是黑頭翁

前調

毛滂

迎得春來聞好語
賀燕立簾鈎轉蕙光
風柳弄柔喜氣
與春遊
萬錢珍鼎期公飯
天自壽留侯文物昇平速
置郵江左屬風流

前調

毛滂

銀浦流雲初度月
空碧挂團團照夜珠
胎貝闕寒光彩
滿長安
春風為拂新沙路
珂馬款天關篆印金窠紅
屈盤嵬嶷押千官

前調

毛滂

風過冰檐環珮響
宿霧在華茵
賸落瑤花瀨
月明嫌怕

有纖塵
鳳口銜燈金炫轉
人醉覺寒輕
但得清光解

照人不負五更春

前調

謝逸

畫燭籠紗紅影亂
門外紫騮嘶分破雲團
月影虧雪浪
皺清漪
捧盃纖纖春筍瘦
乳霧泛冰蕊
兩腋清風拂
袖飛歸去酒醒時

前調

和王叔度桃花

趙師俠

一陣曉風花信早
先到小桃枝
冉冉紅雲映翠微
開宴
憶瑤池
零亂分飛
貪結子芳徑自成蹊
消得劉郎去
路迷腸斷武陵溪

前調

趙長卿

御選歷代詩餘 卷六
又是新逢三五夜瑞氣靄氳萬點燈和月色新桃李
倍添春 花縣主人情思好行樂逐良辰滿引千鍾酒
又醇歌韻動梁塵

前調

趙長卿

落了丹楓殘了菊秋色苦無多誰喚西風泣淚羅吹恨
入星河 碧玉釵頭金粟鬧曾插翠雲窩重揉檀英憶
月娥無奈冷香何

前調

春興

辛棄疾

桃李風前多嫵媚楊柳更溫柔喚取笙歌爛漫遊且莫
管閒愁 好趁晴時連夜賞雨便一春休草草杯盤不
要收纔晚又扶頭

前調

江梅盛開為
風雨所妒

盧炳

常記江南春欲到消息付南枝疎影橫斜照水時月淡
暗香遲 可惜江頭千樹玉雨暗更風欺傳語東君管
領伊憔悴有誰知

前調

別情

宋媛
魏氏

小院無人簾半捲獨自倚闌時寬盡春來金縷衣憔悴
有誰知 玉人近日音書少應是怨來遲夢裏長安早
晚歸和淚立斜暉

前調

岐陽
郵亭

趙秋官妻

人道有情還有夢無夢豈無情夜夜思量直到明有夢
怎教成 昨夜偶然來夢裏鄰笛又還驚笛韻淒淒不

忍聽總是斷腸聲

前調 獨夜

葛一龍

深鎖樓臺何處是煙暗雨冥冥花動風枝大吠聲疑是
有人行 今夕不知何夕也添却許多更倍覺秋天不
肯明愁從酒畔生

南唐浣溪紗

雙調四十八字一名山花子又名攤破浣溪紗以攤破名者就浣溪紗結句
破七字為十字也稱南唐者以李璟詞細雨小樓二句膾炙人口得名也

南唐浣溪紗

南唐李璟

菡萏香消翠葉殘西風愁起綠波間還與韶光共憔悴
不堪看 細雨夢回鷄塞遠小樓吹徹玉笙寒多少淚
珠何限恨倚闌干

前調

南唐李璟

手捲真珠上玉鈎依前春恨鎖重樓風裏落花誰是主
思悠悠 青鳥不傳雲外信丁香空結雨中愁回首綠
波三峽暮接天流

前調

和凝

鶯錦蟬紗馥麝臍輕裾花草曉煙迷鷓鴣戰金紅掌墜
翠雲低 星靨笑偎霞臉畔感金開澹襯銀泥春思半
和芳草嫩碧萋萋

前調

和凝

銀字笙寒調正長水紋簾冷畫屏涼玉腕重重金扼臂
淡梳妝 幾度試香纖手暖一回嘗酒絳脣光佯弄紅

絲繩拂子打檀郎

前調

毛文錫

春水輕波浸綠苔
枇杷洲上紫檀開
晴日眠沙鷗鷺穩
暝相偎
羅幃生塵遊女過
有人逢著弄珠迴
蘭麝飄香初解珮
忘歸來

前調

賀鑄

錦薦朱絲瑟瑟徽
玉纖新擬鳳雙飛
縹緲燭煙花幕暗
就更衣
約略整環釵影動
遲回顧步珮聲微
宛是春風蝴蝶舞
帶香歸

前調

賀鑄

節物侵尋迴暮遲
可勝搖落長年悲
回首五湖乘興地

負心期
驚鴈失行風
翦翦冷雲成陣雪
垂垂不擦尊
前泥樣醉箇能癡

前調

賀鑄

雙鳳簫聲隔彩霞
朱門深閉七香車
何處探春尋舊約
謝孃家
旖旎細風飄水麝
玲瓏淺雪漾山茶
飲罷西廂簾影外
玉蟾斜

前調

毛滂

日轉堂陰一綫添
使君和氣作春妍
祇有北山輕帶雪
見豐年
殘月夜來收不盡
行雲早起更留連
急翦垂楊迎秀色
到牕前

前調

毛滂

雨色留香繞坐中
映階疎竹一叢叢
不奈晚來蕭瑟意
子猷風
激灑滿傾金鑿
落淋漓從濕繡
芙蓉吸盡百
川天上去看長虹

前調

周紫芝

蒼壁新敲小鳳團
赤泥開印煮清泉
醉捧纖纖雙玉筍
鷓鴣斑
雪浪濺翻金縷袖
松風吹醒玉酡顏
更待微
甘回齒頰且留連

前調

周紫芝

門外青驄月下嘶
映階籠燭畫簾垂
一曲陽關聲欲盡
不多時
鳳餅未殘雲脚乳
水沉催注玉花甕
忍看捧
甌春筍露翠鬟低

前調

陳克

鬆漫梳頭淺畫眉
亂鶯殘夢起多時
不道小庭花露濕
翦醑醪
簾額好風低
燕子牕油晴日打
蜂兒翠袖粉
牋閒弄筆寫新詩

前調

辛棄疾

酒面低迷翠被重
黃昏院落月朦朧
墮髻啼妝孫壽醉
泥秦宮
試問花留春幾日
略無人管
雨和風瞥向綠
珠樓下見墜殘紅

前調

辛棄疾

總托平生入醉鄉
大都三萬六千場
今古悠悠多少事
莫思量
微有些寒春雨好
更無尋處
野花香
去年

來還又笑燕飛忙

前調 謝魏名花鮮
蕞次前韻

辛棄疾

楊柳溫柔是故鄉紛紛蜂蝶去年場大率一春風雨事
最難量滿把攜來紅粉面堆盤更覺紫芝香幸是麩
生閒去了又教忙

前調 病起
獨坐

辛棄疾

強欲加餐竟未佳只宜長伴病僧齋心似風吹香篆過
也無灰山下朝來雲出岫隨風一去未曾回次第前
村行雨了合歸來

前調 酬春

辛棄疾

豔杏天桃兩行排莫攜歌舞去相催次第未堪供醉眼

去年栽春意纔從梅裏過人情都向柳邊來咫尺東
家還又有海棠開

前調 謝惠瑞香
次前韻

辛棄疾

句裏明珠字字排多情應也被春催怪得名花和淚送
雨中栽赤脚未安芳斛穩蛾眉早把橘枝來報道錦
熏籠底下麝臍開

前調

辛棄疾

日日閒看燕子飛舊巢新壘畫簾低玉曆今朝推戊己
却銜泥先自春光留不住那堪更著子規啼一陣香
風吹不斷落花溪

前調 雙檜
堂

樓 鐔

夏半陽烏景最長小池不斷藕花香電影雷聲催急雨
十分涼 芡剥明珠隨意嚼瓜分瓊玉趁時嘗雙檜堂
深新釀好且傳觴

前調

黃機

流轉春光又一年春愁盡日兩眉尖草草幽歡能幾許
已天邊 會得音書生羽翼免教魂夢役關山簾捲落
花千萬點雨如煙

前調

七夕

高觀國

嫋嫋天風響珮環鵲橋有女夜乘鸞也恨別多相見少
似人間 銀浦無聲雲路渺金風有信玉機閒生怕河
梁分袂處曉光寒

前調

許棐

接柳揉花旋染衣絲絲紅翠撲春暉羅綺叢中無此豔
小西施 腰細最便圍舞屐袖寒時復罩香匳誤點一
痕殘粉淚怕人知

前調

石孝友

落日秋風嶺上村全稀過鴈少行人正是悲傷愁絕處
更黃昏 漠漠野煙生碧樹漫漫衰草際黃雲借使昔
人行到此也銷魂

前調

宋媛

李清照

病起蕭蕭兩鬢華臥看殘月上牕紗豆蔻連梢煎熱水
莫分茶 枕上詩篇閒處好門前風景雨來佳終日向

人多蘊藉木樨花

前調

楊慎

澹澹波光綠似醅茸茸草色嫩如苔只有輕寒渾不定
晚還來落梅村裏昏鴉遠擺柳風前候鴈回明日新
晴堪眺望上春臺

前調

咏紅邊分
心小山茶

楊慎

瑞雪晴林暮靄消錦雲香塢彩霞飄絕代佳人空谷裏
路迢迢鶴頂研砂添赤髓猩脣帶酒暈紅潮小朶分
心堪采掇當瓊瑤

前調

咏同心
山茶

楊慎

嫋嫋同心巧笑分粉霞紅綬藕絲袞軟翠柔藍散手不定

曉妝勻醉露屏前雙朶朶舞風庭下一羣羣不肯媠
然回一顧為思君

前調

彈箏

張大烈

金徽提撥錦生輝鸞鳳和鳴韻欲飛激發淒清冰月冷
振簾衣指筍離絃花影動步蓮按節蹋香微疑是遊
蜂釀陣後散聲希

前調

唐世瀚

寂寂閒庭雨乍晴綠陰如幄午風輕幾轉柳塘迷斷岸
野橋平滿架薔薇花欲謝趁風燕子掠浮萍慵臥小
窗驚喚醒被流鶯

前調

花下

陳繼儒

晏起還嗔中酒時玉牌分得牡丹枝花下自調新樂府
寫烏絲 付與紫衣傳別院夜來翻入管絃吹吹得老
夫重醉也有情癡

前調

初夏夜飲歸

陳繼儒

桐樹花香月半明權歌歸去蟋蟀鳴曲山柳灣茅屋矮
挂魚罾 笑指吾廬何處是一池荷葉小橋橫燈火紙
牕修竹裏讀書聲

前調

郊行

馮鼎位

遲日青驄緩轡行輕寒輕暖弄春晴細草平沙花夾道
有啼鶯 嫩綠翻風煙樣軟小溪過雨鏡般明歸近黃
昏新月起晚霞生

眼兒嬌

一名秋波嬌一名小闌干雙調四十八字宋人起句平仄
稍有異同然通篇自是一定與朝中措迥別混入者非

眼兒嬌

賀鑄

蕭蕭江上荻花秋做弄許多愁半竿落日兩行新鴈一
葉扁舟 惜分此去應難遇直待醉時休今宵眼底明
朝心上後日眉頭

前調

王雱

絲絲楊柳弄輕柔煙縷織成愁海棠未雨梨花先雪一
半春休 而今往事難重省歸夢繞秦樓相思只在丁
香枝上豆蔻梢頭

前調

呂渭老

琅玕循檻粉沾衣一片子規啼蓬壺夢短蜀衾香遠愁
損腰肢 石城堂上雙雙燕應傍莫愁飛春江艇子雪
中梅下知與誰期

前調

梅詞
應制

宋齊愈

霏霏疎影轉征鴻人語暗香中小橋斜渡曲屏深院水
月濛濛 人間不是藏春處玉笛曉霜空江南處處黃
垂密雨綠漲薰風

前調

趙長卿

一鈎新月照西樓清夜思悠悠那堪更被征鴻嘹唳糾
惹離愁 倚闌不語情如醉都寄兩眉頭從前只為惜
他伶俐舉措風流

前調

趙長卿

槐陰密處轉黃鸝午日正長時一番過雨綠荷池面冷
浸琉璃 紅塵不到華堂裏織楚對蛾眉笑俚人道新
詞覓箇美底腔兒

前調

趙長卿

東滄危觀暮江前幾醉使君筵少年俊氣曾將吟筆買
斷江天 重來細把朋遊數回首一辛酸蘭成已老文
園多病負此江山

前調

趙長卿

當年策馬過錢塘曲徑入幽篁繁紅釅白嬌鶯姹燕爭
喚何郎 而今又客東風裏渾不似尋常只愁別後月

房雲洞啼損紅妝

前調

趙長卿

先來客路足傷悲那更話分離玉驄也解知人欲去驤
首頻嘶馬蹄動是三千里後會莫相違切須更把丁
香珍重待我歸期

前調

趙長卿

南枝消息杳然間寂寞倚雕闌紫腰豔豔青腰裊裊風
月俱閒佳人環珮玉闌珊作惡探花還玉纖撚粟櫻
脣呵粉愁點眉彎

前調

張元幹

蕭蕭疎雨滴梧桐人在綺牕中離愁徧繞天涯不盡却

在睂峰 嬌波暗落相思淚流破臉邊紅可憐瘦似一
枝春柳不禁東風

前調

曾覲

清明花近晚風寒錦幙獸香殘醺醺醉裏匆匆相見重
聽哀彈春情入指鶯聲碎危柱不勝絃十分得意一
場輕夢淡月闌干

前調

曾覲

離觴重勸淚相看寂寞上征鞍臨行欲話風流心事萬
緒千端春光漫漫人千里歸夢遠長安不堪向晚孤
城吹角回首關山

前調

左譽

黃昏樓上杏花寒斜月小闌干一雙燕子兩行征鴈畫
角聲殘綺牕人在東風裏灑淚對春閒也應似舊盈
盈秋水淡淡春山

前調

侯寘

花信風高雨又收風雨互遲留無端燕子怯寒歸晚閒
損簾鉤彈棋打馬心都懶擲掇上春愁推書就枕息
煙淡淡蜨夢悠悠

前調

萍鄉道中

范成大

酣酣日脚紫煙浮妍暖破輕裘困人天氣醉人花氣午
夢扶頭春慵恰似春塘水一片縠紋愁溶溶曳曳東
風無力欲皺還休

前調

調梅和傅參議韻

黃公度

一枝雪裏冷光浮空自許清流如今憔悴蠻煙瘴雨誰
肯尋搜昔年曾共孤芳醉爭插玉釵頭天涯幸有惜
花人在杯酒相酬

前調

梅

趙彥端

黃昏小宴使君家梅粉試春華暗香素蕊橫枝疎影月
淡風斜更燒紅燭枝頭挂粉蠟鬪香賒元宵近也小
園先試火樹銀花

前調

建安作

趙彥端

儂家風物似山家梅老鬢絲華幾回記得攀翻琪樹醉
帽敲斜冷香不斷春千里歸路本非賒有人却道使

君猶健看徧餘花

前調

陸游

天花曾散蕊珠宮一念墮塵中鉛華洗盡珠璣不御道
骨仙風東遊我醉騎鯨去君駕素鸞從垂虹看月天
台採藥更與誰同

前調

陳亮

試燈天氣又春來難說是情懷寂寥聊似揚州何遜不
為江梅扶頭酒醒爐香地心緒未全灰愁人最是黃
昏前後煙雨池臺

前調

黃機

粉牆朱閣映垂楊晴綠小池塘東風颺暖單衣初試晝

日偏長鬢鬆兩鬢飛雲影鈿合未梳妝闌干側畔閒
拋荔子驚散鴛鴦

前調

黃機

東風輕雨苦無端側側送輕寒那堪更向湘灣六六淺
處留船詩闌酒戲成孤負春事已闌珊離愁多在落
花枝上杜宇聲邊

前調

洪咨夔

平沙芳草渡頭村綠徧去年痕遊絲上下流鶯來往無
限消魂綺牕深靜人歸晚金鴨水沉溫海棠影下子
規聲裏立盡黃昏

前調

高觀國

輕雲終被斷雲留不肯放春愁翠樓舊倚粉牆重見歌
酒風流 今朝畢竟吟情淡芳意未全酬東風向晚鶯
花有意吹轉船頭

前調

史達祖

兒家七十二鴛鴦珠珮鎖瑤箱期花等月秦樓吹笛賈
袖傳香 十年白玉堂前見直是翦柔腸將愁去也不
成今世終誤王昌

前調

韓 澆

東風拂檻露猶寒花重濕闌干淡雲殢日晨光微透簾
幕香殘 陰晴不定瑤階潤新恨覺心闌憑高望斷綠
楊南陌無限關山

前調

社日

韓 澆

風迴香雪到梨花山影是誰家小牕未晚重檐初霽玉
倚蒹葭 社寒不管人如此依舊是天涯碧雲暮合芳
心撩亂醉眼橫斜

前調

韓 澆

西溪回合小青蒼梅雨弄殘陽意行隴畝景分庭院乳
燕春長 酒深不用人歌嘯鉏圃試商量細移菜甲旋
尋蔬筍一夢黃粱

前調

泊松洲

方 岳

霜天鴈帶幾多愁和月落滄洲桂花如許菊花如許怎
不悲秋 湖山例合閒人管也白幾人頭去年曾此今

年曾此煙雨孤舟

前調

尹煥

垂楊裊裊蘸晴漪
明綠染春絲
市橋繫馬旗亭沽酒無
限相思
雲梳雨洗風前舞
一好百般宜
不知為甚落花時
節都是顰眉

前調

周密

飛絲半濕乍歸雲
愁裏又鶯新
淡月秋千落花庭院幾
處黃昏
十年一夢揚州路
空有少年心
不分不曉厭厭脈脈
一段傷春

前調

石孝友

愁雲澹澹雨蕭蕭
暮暮復朝朝
別來應是看峰翠減腕

玉香消 小軒獨坐相思處
情緒好無聊
一叢萱草數竿修竹
幾葉芭蕉

前調

綠牋

薛夢桂

玳石筒新展綠蕉芽
黃露灑榴花
蘸煙染就和雲捲起秋
水人家
只因一朵芙蓉月生
怕玳簾遮燕銜不去鴈
飛不到愁滿天涯

前調

曾揆

芙蓉帳冷翠衾單
魂夢幾曾間
怎禁未許茫茫煙水疊
疊雲山
去時頻把歸期約
遠不過春殘而今已是荷
花開了猶倚闌干

前調

汪元量

年時記得賞茶蘼，蝴蝶滿園飛。一雙寶馬，兩行簫管，月下扶歸。而今寂寞人何處，脈脈淚沾衣。空房獨守風穿簾子，雨隔窗兒。

前調

宋媛 朱淑真

遲遲風日弄輕柔，花徑暗香流。清明過了，不堪回首，雲鎖朱樓。午牕睡起鶯聲巧，何處喚春愁。綠楊影裏，海棠枝畔，紅杏梢頭。

前調

無名氏

慘雲愁霧罩江天，呵手捲簾看。蒙茸柳絮，萬千蝴蝶，飛過危闌。後庭一樹，瑤華綴雪，亂暗香殘。今番桂影也，應寒重，不放新彎。

前調

無名氏

憶從溪上得相逢，尊酒兩心同。梅緘香雪，竹搖寒月，柳探春風。而今總是銷魂處，冷落半牀空。夢迷狂蝶，喜占乾鵲，愁望飛鴻。

前調

無名氏

平生幾度怨長亭，不似這番深。霜收水瘦，風流帆飽，怎忍輕分。闌干倚徧慵歸去，獨自箇黃昏。荷橫釵股，柳垂裙帶，總是銷魂。

前調

許古

濁醪筍得玉爲漿，風韻帶橙香。持杯笑道，鵝黃似酒，酒似鵝黃。世緣老矣，不思量，沉醉又何妨。臨風對月，山

歌野調儘我疎狂

前調

春景

張大烈

珠簾初捲袖生寒無語倚闌干呢喃燕語壓亂鶯聲紅
褪花殘香焚愁逐爐煙裊春光獨自閒神情好似隔
溪流水寫遠孤山

前調

又一體

程垓

一枝煙雨瘦東牆真箇斷人腸不爲天寒日暮誰憐水
遠山長相思月底相思竹外猶自禁當只恐玉樓貪
夢輸他一夜清香

前調

葛立方

暫持英蕩出燕然冰柱凍層檐時節馬蹄歸路楊花亂

撲征羈如今歸去銀鐙宜見七寶床邊待得退朝花
底家人爭捲珠簾

前調

無名氏

山城水隘小橋傍竹裏早梅芳縱有丹青圖畫難描幽
韻清香妖嬈天賦偏宜素淡楊氏宮妝雅態何須豔
麗孤標不在春光

御選歷代詩餘卷十八

御選歷代詩餘卷十九目錄

起四十八字至四十九字

慶春時

晏幾道 二首

春光好 又一體

葛立方

海棠春 又一體

秦觀

馬洪

張縉

吳鼎芳

雙頭蓮令

趙師俠

雙鷓鴣

朱敦儒

鬲溪梅令

姜夔

一落索 又一體

秦觀

前調 又一體

嚴仁

洞天春

歐陽修

胡搗練

晏殊

喜團圓

晏幾道

柳梢青

張孝祥

前調 又一體

楊慎

西地錦 又一體

石孝友

添字采桑子

李清照

阮郎歸 又一體

吳子孝

三字令

歐陽炯

沈宜修

葉紈紈

醉桃源

趙鼎

畫堂春 又一體

趙長卿

燭影搖紅

賀鑄

毛滂 二首

王仲

張炎

吳子孝

撼庭秋

晏殊

惜分飛

辛棄疾

碧玉簫

無名氏

伊州三臺

趙師俠

謫仙怨

劉長卿

鏡中人

無名氏

山外雲

張雨

桃源憶故人

歐陽修

二首

蘇軾

黃庭堅

秦觀

二首

王庭珪

趙長卿

張孝祥

朱敦儒

管鑑

陸游

二首

鄭域

史達祖

汪莘

吳文英 二首

周密

趙君舉

元好問

吳子孝

陳子龍

太常引

辛棄疾 一首

元好問

楊果

許有壬 二首

馬熙

許楨

張埜

倪瓚 二首

張雨

劉燕哥

應天長

南唐李煜

顧夔

馮延巳

張大烈

又一體

酒泉子

潘閬 二首

畫堂春 又一體

張先

黃庭堅

前調 又一體

趙長卿

極相思

呂渭老 二首

蔡伸

陸游

吳文英

燕歸梁

張孝祥

前調 又一體

杜安世

賀聖朝 又一體

葉清臣

趙鼎

馬莊父

陽臺夢

後唐莊宗

武陵春 又一體

趙師俠

李清照

歸去來

柳永

沙塞子 又一體

葛立方

前調 又一體

趙彥端

越江吟

蘇易簡

惜春郎

柳永

醉鄉春

秦觀

鳳孤飛

晏幾道

洛陽春 又一體

歐陽修

月宮春

毛文錫

雙韻子

張先

河瀆神

溫庭筠 三首

孫光憲 二首

辛棄疾

前調 又一體

張泌

月中行

韓滉

前調 又一體

陳允平

玉連環 又一體

陳鳳儀

少年遊

周密 二首

更漏子 又一體

歐陽炯

御選歷代詩餘卷十九日錄

御選歷代詩餘卷十九

起四十八字
至四十九字

司經局洗馬掌局事兼翰林院修撰加二級臣王奕清奉

旨校刊

慶春時

雙調四
十八字

慶春時

晏幾道

倚天樓殿昇平風月彩仗春移鸞絲鳳竹長生調裏迎
得翠輿歸 雕鞍遊罷何處還有心期濃熏翠被深停
畫燭人約月西時

前調

晏幾道

梅梢已有春來音信風意猶寒南樓暮雪無人共賞閒

却玉闌干 殷勤今夜涼月還似省彎尊前爲把桃根
麗曲重倚四絃看

春光好

又一體雙調
四十八字

春光好

葛立方

禁煙却釀春愁正繫馬清淮渡頭後日清明催疊鼓應
在揚州 歸時元已臨流要綺陌芳郊恣遊三月羈懷
當一洗莫放觥籌

海棠春

又一體雙調
四十八字

海棠春

秦觀

流鶯牕外啼聲巧睡未足把人驚覺翠被曉寒輕寶篆
沉煙裊 宿醒未解宮娥報道別院笙歌會早試問海
棠花昨夜開多少

前調

馬洪

越羅衣薄輕寒透正畫閣鳳簾飄繡無語小鶯慵有恨
垂楊瘦 桃花人面應依舊憶那日擎漿時候添得暮
愁牽只爲秋波溜

前調

張縉

探春東郭春猶早道此際春光更好殘雪隴頭梅微雨
溪邊草 東風十里樓臺曉又領取一番花鳥欲抱錦
琴彈誰信知音少

前調

紫駟門外嘶聲去千萬疊銷魂煙樹不忍看伊行無計
留伊住 東風似解離人意做一陣廉纖花雨含笑進
門時又恐明朝霽

吳鼎芳

雙頭蓮令

趙師俠詞詠本意蓋以事
名調也雙調四十八字

雙頭蓮令 信豐
雙蓮

趙師俠

太平和氣兆嘉祥草木總成雙紅苞翠蓋出橫塘兩兩
鬪芬芳 幹搖碧玉並青房仙髻擁新妝連枝不解引
鸞皇留取映鴛鴦

雙鷓鴣

朱敦儒詞詠本意
雙調四十八字

雙鷓鴣

朱敦儒

拂破秋江煙碧一對雙飛鷓鴣應是遠來無力稍下相
偎沙磧 小艇誰吹橫笛驚起不知消息悔不當時描
得如今何處尋覓

鬲溪梅令

姜夔自度腔雙
調四十八字

鬲溪梅令 無錫歸
寓意

姜夔

好花不與殢香人浪粼粼又恐東風歸去綠成陰玉鈿
何處尋 木蘭雙槳夢中雲水橫陳漫向孤山山下覓
盈盈翠禽啼一春

一落索

又一體雙調四十八字

一落索

秦觀

楊花終日飛舞奈久長難駐海潮雖是暫時來却有箇
堪憑處紫府碧雲為路好相將歸去肯如薄倖五更
風不解與花為主

前調

又一體

嚴仁

清曉啼鶯紅樹又一雙飛去日高花氣撲人來獨目箇
傷春無緒別後暗寬金縷倩誰傳語一春不忍上高
樓為怕見分攜處

洞天春

雙調四十八字以歐陽修一首平仄為正

洞天春

歐陽修

鶯啼綠樹聲早檻外殘紅未掃露點真珠徧芳草正簾
幃清曉鞦韆宅院悄悄又是清明過了燕蝶輕狂柳
絲撩亂春心多少

胡搗練

雙調四十八字與望仙樓分別惟換頭第一句七字

胡搗練

晏殊

小桃花與早梅花盡是芳妍品格未上東風先拆分付
春消息佳人釵上玉尊前朶朶濃香堪惜誰把綵毫
描得免恁輕拋擲

喜團圓

雙調四十八字後段
字句與人月圓同

喜團圓

晏幾道

危樓靜鎖牕中遙岫門外垂楊珠簾不禁春風度解偷
送餘香 眠思夢想不如雙燕得到蘭房別來只是憑
高淚眼感舊離腸

柳梢青

雙調四
十八字

柳梢青

張孝祥

碧雲風月無多莫被名韁利鎖白玉為車黃金作印不
戀休呵 爭如對酒當歌人是人非恁麼年少甘羅老

成呂望畢竟如何

前調

又一
體

楊慎

暈雪融霞若煙若霧何處人家宋玉牆東文君壚下占
斷韶華 梅花已罷橫斜柳條猶未藏鴉錦樹烘春瓊
枝裊月留醉仙娃

西地錦

又一體雙調
四十八字

西地錦

石孝友

回望玉樓金闕正水遮山隔風兒又起雨兒又急好愁
人天色 兩岸荻花楓葉爭舞紅吹白中秋過也重陽
近也作天涯孤客

添字采桑子

雙調四
十八字

添字采桑子 芭蕉

宋媛李清照

牕前誰種芭蕉樹陰滿中庭陰滿中庭葉葉心心舒卷
有餘情 傷心枕上三更雨點滴淒清點滴淒清愁損
離人不慣起來聽

阮郎歸

又一體雙調
四十八字

阮郎歸 夜登叢
桂樓

吳子孝

一年月色最宜秋銀河映玉流半輪寒魄未曾遇清光
處處浮 金尊瑤管共綢繆毫端風景收名山相望倚

危樓知音千古求

三字令

此調始於後蜀歐陽炯皆三字
句前後皆八句雙調四十八字

三字令

歐陽炯

春欲盡日遲遲牡丹時羅幌卷翠簾垂彩牋書紅粉淚
兩心知 人不在燕空歸負佳期香燼落枕函敲月分
明花澹薄惹相思

前調

明媛沈宜修

花落盡柳陰低雨絲霏香霧濕彩雲迷帶愁飛飛去也
武陵西 新夢短漏依依剩相思殘月冷曉煙淒蝶香
濃鶯語碎斷腸時

前調 香撲

明媛 葉紈紈

疑是鏡又如蟾最嬋娟紅袖裏綠牕前
帶人憐羞錦帶妒花鈿
蘭浴罷襯春纖撲還拈
添粉豔玉肌妍麝氣
氲香馥郁透湘縑

醉桃源

雙調四十八字

醉桃源 春曉

趙鼎

青春不與花為主花正開時春暮花下醉眠休
訴看取春歸去鶯愁蝶怨春知否
欲問春歸何處只有一尊芳醕留得青春住

畫堂春

又一體雙調四十八字

畫堂春

遊西湖有感

趙長卿

湖光乘雨碧連天繞堤映草芊芊舞風楊柳欲
嘶絲依依起翠煙
還是春風客路對花空負嬋娟
暮寒樓閣碧雲間羅袖成斑

燭影搖紅

宋徽宗命大晟府改王詵憶故人詞因詞有燭影搖紅句遂以名調但詵詞本五十字此則雙調四十八字以起二句分別另立調名不得以憶故人名此調也

燭影搖紅

賀鑄

波影翻簾淚痕凝燭青山館離魂十里念佳期襟
佩如相款
惆悵更長夢短但衾枕餘芳
賸暖半牕斜月照

人腸斷啼鳥不管

前調

松隱午
夢初覺

毛滂

一畝清陰半天瀟灑松牕午牀頭秋色小屏山碧長垂
煙縷 枕畔風搖綠戶喚人醒不教夢去可憐恰到瘦
石寒泉冷雲出處

前調

毛滂

綠鬢飄蕭漫郎已是青雲晚古槐陰外小闌干不負看
山眼 此意悠悠無限有雲山知人醉嬾他年尋我水
邊月底一蓑煙短

前調

王仲

煙雨江城望中綠暗花枝少惜春長待醉東風却恨春

歸早 縱有幽歡會巧奈如今風情漸杳秦樓何處畫
闌愁倚天涯芳草

前調

答邵
素心

張炎

隔水呼舟采香何處追遊好一年春事二分花猶有花
多少 容易繁華過了趁園林飛紅未埽舊醒新醉幾
日不來綠陰芳草

前調

吳子孝

萬綠堂前誰栽叢桂添秋色森森翠葉擁金葩塵世逢
香國 露冷風清月白閉重門無人憐惜莫停歌板好
汎霞觴賞心難得

撼庭秋

雙調四十八字
與撼庭竹無涉

撼庭秋

晏殊

別來音信千里恨此情難寄碧紗秋月梧桐夜雨幾回
無寐樓高目斷天遙雲黯只堪憔悴念蘭堂紅燭心
長燄短向人垂淚

惜分飛

雙調四
十八字

惜分飛

辛棄疾

翡翠樓前芳草路寶馬墮鞭暫駐最是周郎顧幾度歌
聲誤望斷碧雲空日暮流水桃源何處古道春歸去
更無人管飄紅雨

碧玉簫

雙調四
十八字

碧玉簫

無名氏

輕暖吹香薰風漲綠北牕添得琅玕玉新粉微含翠浪
明如沐珠淚偷彈纖腰減東天涯勞我危樓目燕子
無情斜語闌干曲

伊州三臺

州或作洲雙調四十八字調
笑令亦名三臺令與此迥別

伊州三臺

趙師俠

桂花移自雲巖更被靈砂染丹清露濕酡顏醉乘風下
臨世間素娥襟韻蕭閒不與羣芳並看簌簌絳綃單

覺身輕夢回廣寒

謫仙怨

調本唐時樂府中新聲後用以填詞蓋即回波而衍之為八句也雙調四十八字

謫仙怨

劉長卿

晴川落日初低惆悵孤舟解攜鳥向平蕪遠近人隨流水東西白雲千里萬里明月前溪後溪獨恨長沙謫去江潭春草萋萋

鏡中人

雙調四十八字

鏡中人

無名氏

柳煙濃梅雨潤芳草絲絲離恨花塢風來幾陣羅袖沾

香粉獨上小樓迷遠近不見浣溪人信何處笛聲飄

隱隱吹斷相思引

山外雲

張雨作此詞贈句曲道友即名茅山逢故人雙調四十八字

山外雲

張雨

山下寒林平楚山外雲帆煙渚不飲如何吾生如夢鬢毛如許能消幾度相逢遮莫而今歸去壯士黃金昔人黃鶴美人黃土

桃源憶故人

或作桃園者誤一名虞美人影雙調四十八字

桃源憶故人

歐陽修

梅梢弄粉香猶嫩欲寄江南春信別後寸腸縈損說與
伊爭穩 小爐獨守寒灰燼忍淚低頭劃盡眉上萬重
新恨竟日無人問

前調

歐陽修

鶯愁燕苦春歸去寂寂花飄紅雨碧草綠楊岐路况是
長亭暮 少年行客情難訴泣對東風無語目斷兩三
煙樹翠隔江淹浦

前調

蘇軾

華胥夢斷人何處聽得鶯啼紅樹幾點薔薇香雨寂寞
閒庭戶 暖風不解留花住片片著人無數樓上望春
歸去芳草迷歸路

前調

黃庭堅

碧天露洗春容淨淡月曉收殘暈花上密煙飄盡花底
鶯聲嫩 雲歸楚峽厭厭困兩點遠山新恨和淚暗彈
紅粉生怕人來問

前調

秦觀

秦樓深鎖薄情種清夜悠悠誰共羞見枕衾鴛鳳悶即
和衣擁 無端畫角嚴城動驚破一番新夢牕外月華
霜重聽徹梅花弄

前調

秦觀

碧紗影弄東風曉一夜海棠開了枝上數聲啼鳥妝點
知多少 妒雲恨雨腰肢裊眉黛不堪重掃薄倖不來

春老羞帶宜男草

前調

辰州送客

王庭珪

催花一霎清明雨留得春風且住兩岸柳汀煙隴未放行人去
人如雙鵲雲間舉明月扁舟何處只向武陵南渡便是長安路

前調

初春

趙長卿

夜來一陣東風暖春到桃腮柳眼對景可堪腸斷強把
看愁展花朝惹起歸期念前事從頭忖徧凝想水遙山遠空結相思怨

前調

冬飲

張孝祥

朔風弄月吹銀霰簾幙低垂三面酒入玉肌香軟壓得

寒威斂檀槽乍撥么絲慢彈得相思一半不道有人
腸斷猶作聲聲顫

前調

朱敦儒

雨斜風橫香成陣春去空留春恨歡少愁多因甚燕子
渾難問碧尖感損看慵暈淚濕臙脂紅沁可惜海棠
吹盡又是黃昏近

前調

管鑑

小園十日狂風雨幾陣桃花紅去惟有綠牕朱戶春色
常如許歌聲屢喚飛雲駐銷得行人且住倒盡玉壺
春露醉到無愁處

前調

陸游

闌干幾曲高齋路正在重雲深處丹碧未乾人去高棟
空留句 離離芳草長亭暮無奈征車不住惟有斷鴻
煙渚知我頻迴顧

前調

陸游

城南載酒行歌路冶葉倡條無數一朶鞋紅凝露最是
傷心處 鶯聲無賴催春去那更兼旬風雨試問歲華
何許芳草連天暮

前調

鄭域

東風料峭寒吹面低下繡簾休卷憔悴怕他春見一任
鶯花怨 新愁不許詩排遣塵滿玉毫金硯若問此愁
深淺天闊浮雲遠

前調

賦桃
花

史達祖

明霞烘透春機杼春在明霞多處我是有詩漁父一夢
秦天古 柳枝巷陌深朱戶牆外東風一樹十五年來
凝佇彈盡臙脂雨

前調

汪莘

人間只解留春住不管秋光歸去一陣西牕風雨秋也
歸何處 柴扉半掩閒庭戶黃葉青苔無數猶把小春
分付梅蕊前村路

前調

吳文英

越山青斷西陵浦一岸密陰疎雨潮帶舊愁生暮曾折
垂楊處 桃根桃葉當時渡嗚咽風前柔櫓燕子不留

春住空寄離檣語

前調 詠香橙

吳文英

黃苞先著風霜勁獨占一年佳景點點吳鹽雪凝玉脍
和蘂冷 洋園誰識黃金徑一棹洞庭秋興香薦蘭皋
湯鼎殘酒西牕醒

前調

周密

流蘇靜掩羅屏小春夢苦無分曉一縷舊情誰表暗逐
餘香裊 相思嬾寄流紅杳人瘦花枝多少郎馬未歸
春老空怨王孫草

前調

趙君舉

芳菲已有枝頭露寒著輕羅未去午夜鸞車鶴馭散入

千蓮步 粉香度曲嬉遊女草草相逢無據腸斷淚零
無數灑作花梢雨

前調 代贈良佐所親

元好問

楚雲不似陽臺舊只是無心出岫竹外天寒翠袖寂寞
啼妝瘦 絃聲宛轉春風手帶得行人病酒明日西城
回首腸斷江南柳

前調

吳子孝

碧堂窈窕春初到風起晚來寒隋金字屏圍香燎酒美
歌聲妙 賞心佳景人年少塵世難逢歡笑攬袖勸停
歸棹月向梅花照

前調

陳子龍

小樓極望連平楚，簾捲一帆南浦。試問晚風吹去，狼藉春何處。相思此路無重數，畢竟天涯幾許。莫聽嬌鶯私語，怨盡梨花雨。

太常引

一名太清引雙調四十九字

太常引

建康中秋夜

辛棄疾

一輪秋影轉金波，飛鏡又重磨。把酒問姮娥，被白髮欺人奈何。乘風好去，長空萬里，直下看山河。斫去桂婆娑，人道是清光更多。

前調

辛棄疾

仙機似欲織纖羅，髣髴度金梭。無奈玉纖何，却彈作清

商恨多。珠簾影裏如花半，面絕勝，隔簾歌。世路苦風波，且痛飲，公無渡河。

前調

元好問

十年流水共行雲，相見重情親。滄海內揚塵，便疑是前身。後身風臺月榭，舞裊歌扇，樂事幾回新。莫話洛陽春，更誰似鑿坡故人。

前調

楊果

一杯聊為送征鞍，落葉滿長安。誰料一儒冠，直推上淮陰將壇。西風旌旆，斜陽草樹，鴈影入高寒。且放酒腸寬，道蜀道而今更難。

前調

池荷

許有壬

幽人早起赴池亭
初日照娉婷
風蓋露珠傾
又勝似前時
雨聲
水沉香裏錦雲深
處雙檜插天青
一葉釣舟輕似野渡
無人自橫

前調

許有壬

四堤楊柳接松筠
香破水芝新
羅幃不生塵
笑畫裏凌波未真
紅衣縹緲清風蕭瑟
半醉岸烏巾
不是葛天民也做得
江湖散人

前調

用許可用池荷韻

馬熙

園中風雨中亭消得
兩娉婷
濁酒卷荷傾
早洗盡箏聲
笛聲
四堤晴柳一天花
氣付與晚山青
飛絮挾雲輕
任膝上瑤琴自橫

前調

許棫

池亭荷淨納涼時
四面柳依稀
棹得酒船回
看風裏紗巾半敞
殘霞照水夕陽明
樹天付畫中詩
應不負歸期
更誰看桃花面皮

前調

高右丞自上都回

張埜

巍然勲業歷台司
一柱儘能支
報國與憂時
怎瞞得星
星鬢絲
龍門山色灤河雲
影添入介翁詩
沉醉莫推辭
趁秋滿天香桂枝

前調

倪瓚

門前楊柳密藏鴉
春事到桐花
敲火試新茶
想月珮雲衣故家
苔生雨館塵凝錦
瑟寂寞聽鳴蛙
芳草際天

涯蝶栩栩春暉夢華

前調

壽壽齋

倪瓚

柳陰濯足水侵磯香度野薔薇芳草綠萋萋問何事王
孫未歸 一壺濁酒一聲清唱簾幕燕雙飛風暖試輕
衣介着壽遙瞻翠微

前調

題畫

張雨

莫將西子比西湖千古一陶朱生怕在樓居也用著風
帆短蒲 銀瓶索酒并刀斫鱸船背錦糲糊堤上早傳
呼是那箇煙波釣徒

前調

餞別

元妓

劉燕哥

故人別我出陽關無計鎖雕鞍今古別離難兀誰畫蛾

看遠山 一尊別酒一聲杜宇寂寞又春殘明月小樓
間第一夜相思淚彈

應天長

雙調四十九字

應天長

南唐李煜

一鉤初月臨妝鏡蟬鬢鳳釵慵不整重簾靜層樓迴悵
悵落花風不定 柳堤芳草徑夢斷轆轤金井昨夜更
闌酒醒春愁過却病

前調

顧夔

瑟瑟羅裙金綫縷輕透鵝黃香畫袴垂交帶盤鸚鵡裊
裊翠翹移玉步 背人勻檀注慢轉橫波偷覷斂黛春

情暗許倚屏慵不語

前調

馮延巳

石城花落紅樓雨雲隔長洲蘭芷暮芳草岸和煙霧誰
在綠楊深處住舊遊還似故歲遠離人何處杳杳蘭
舟西去魂歸巫峽路

前調

曉起
次韻

張大烈

千條弱柳縈青鏡悔教夫婿鬢慵整香閨靜青巒迴暗
卜金錢期未定魂遶陽臺徑怨鎖碧梧深井酒病有
時蘇醒難醒懷人病

酒泉子

又一體雙調
四十九字

酒泉子

潘閔

長憶孤山山在湖心如黛簇僧房四面向湖開輕棹去
還來芰荷香細連雲閣閣上清聲檐下鐸別來塵土
污人衣空役夢魂飛

前調

潘閔

長憶西湖靈隱寺前天竺後冷泉亭上幾曾遊三伏似
清秋白猿時見攀高樹長嘯一聲何處去別來幾向
畫圖看終是欠峰巒

畫堂春

又一體雙調
四十九字

畫堂春

張先

外湖蓮子長參差
霽山青處鷗飛水
天溶漾畫船遲
人影鑑中移
桃葉淺聲雙唱杏
紅深色輕衣
小荷障面避斜暉
分得翠陰歸

前調

黃庭堅

摩圍小隱枕蠻江
蛛絲間鎖晴牕
水風山影上修廊
不到晚來涼
相伴蝶穿花徑獨
飛鷗舞溪光
不因送客下繩牀
添火炷爐香

前調

又一體

趙長卿

當時巧笑記相逢
玉梅枝上玲瓏
酒杯流處已愁儂
寒鴈橫空
去程無計更從容
到歸來好事匆匆
一時分付不言中
此恨難窮

極相思

雙調四十九字

極相思

呂渭老

拂牆花影飄紅微
月辨簾櫳香風滿袖
金蓮印步狹徑
迎逢
笑靨乍開還斂
翠正花時却恁西東
別房初睡斜門未鎖
且更從容

前調

呂渭老

西園鬪草歸遲
隔葉嘯黃鸝
闌干醉倚鞦韆背
立數徧佳期
寒食清明都過了
趁如今芍藥薔薇
袂衣吟露歸舟纜
月方解開眉

前調

蔡伸

碧檐鳴玉玳瑁金鎖小蘭房樓高夜永飛霜滿院璧月
沉缸 雲雨不成巫峽夢望仙鄉煙水茫茫風前月底
登高念遠無限淒涼

前調

陸游

江頭疎雨輕煙寒食落花天翻紅墜素淺霞暗錦一段
淒然 惆悵東君堪恨處也不念冷落尊前那堪更看
漫空相趁柳絮榆錢

前調

題水月
梅扇

吳文英

玉纖風透疎痕涼與素懷分乘鸞歸後生綃淨翦一片
冰雲 心事孤山春夢在到思量猶斷詩魂水清月冷
香銷瘦影人立黃昏

燕歸梁

雙調四十九字與喜遷鶯
之別名燕歸梁者不同

燕歸梁

張孝祥

風柳搖絲花纏枝滿月韶輝離鴻過盡百勞飛都不似
燕來歸 舊時王謝堂前地情分獨依依畫梁雕栱啓
朱扉看雙舞羽人衣

前調

又一
體

杜安世

風擺紅縉卷畫簾寶鑑慵拈日高梳洗幾時收金盆水
弄纖纖 髻雲鬆鞞衣斜褪和嬌嬾瘦巖巖離愁更宿
醒兼空贏得病恹恹

賀聖朝

又一體雙調四十九字又名雙調賀聖朝

賀聖朝

葉清臣

滿斟綠醕留君住莫匆匆歸去三分春色二分愁更一分風雨
花開花謝都來幾許且高歌休訴不知來歲牡丹時再相逢何處

前調

趙鼎

斷霞收盡黃昏雨滴梧桐疎樹簾櫳不捲夜沉沉鎖一庭風露
天涯人遠心期夢悄苦長宵難度知他牕外促織兒有許多言語

前調

馬莊父

遊人拾翠不知遠被子規呼轉紅樓倒影背斜陽墜幾

聲絃管 荼蘼香透海棠紅淺恰平分春半花前一笑不須慳待花飛休怨

陽臺夢

以詞中結語為調名雙調四十九字

陽臺夢

後唐莊宗

薄羅衫子金泥縫困纖腰怯銖衣重笑迎移步小蘭叢
驪金翹玉鳳 嬌多情脈脈羞把同心撚弄楚天雲雨却相和又入陽臺夢

武陵春

又一體雙調四十九字

武陵春

趙師俠

乍雨籠晴雲不定芳草綠纖柔燕語鶯啼小院幽春色
二分休 試凭危闌凝遠目山與水光浮滾滾閒愁逐
水流流不盡許多愁

前調

宋媛李清照

風住塵香花已盡日晚倦梳頭物是人非事事休欲語
淚先流 聞說雙溪春尚好也擬汎輕舟只恐雙溪舴
艋舟載不動許多愁

歸去來

雙調四
十九字

歸去來

柳永

初過元宵三五慵困春情緒燈月闌珊嬉遊處遊人盡

厭歡聚 憑仗如花女持杯謝酒朋詩侶餘醒更不禁
香醕歌筵舞且歸去

沙塞子

又一體雙調
四十九字

沙塞子

葛立方

天生玉骨冰肌瘦損也知他為誰寒牕底傲霜凌雪不
教春知 高樓橫笛試輕吹要一片花飛酒卮拚沉醉
帽檐斜插折取南枝

前調

又一體

趙彥端

春水綠波南浦漸理棹行人欲去黯消魂柳際輕煙花
梢微雨 長亭放醖無計住但芳草迷人去路忽回頭

斷雲殘日長安何處

越江吟

雙調四十九字

越江吟

蘇易簡

非煙非霧瑤池宴片片碧桃冷落黃金殿
鰕鬢半捲天香散奏雲和孤竹清婉入霄漢
紅顏醉態爛漫金輿轉霓旌影斷簫聲遠

惜春郎

雙調四十九字

惜春郎

柳永

玉肌瓊豔新妝飾好壯觀歌席潘妃寶釧阿嬌金屋應

也消得屬和新詞多俊格敢共我勍敵恨少年枉費
疎狂不早與伊相識

醉鄉春

以秦觀詞名調雙調四十九字

醉鄉春

秦觀

喚起一聲人悄衾冷夢寒牕曉瘴雨過海棠開春色又
添多少社甕釀成微笑半飲柳瓢共留覺傾倒急投
牀醉鄉廣大人間小

鳳孤飛

雙調四十九字

鳳孤飛

晏幾道

即送... 惜春郎 醉鄉春 鳳孤飛 洛陽春 月宮春

一曲畫樓鐘動宛轉歌聲緩綺席飛塵座滿更小待金
蕉暝 細雨輕寒今夜短依前是粉牆別館端的懽期
應未晚奈歸雲難管

洛陽春

又一體雙調四十九字一名一落索

洛陽春

歐陽修

紅紗未曉黃鸝語蕙爐銷蘭炷錦屏羅幕護春寒昨夜
三更雨 繡簾閒倚吹輕絮斂着山無緒看花拭淚向
歸鴻問來處逢郎否

月宮春

唐毛文錫詞詠月宮事遂以名調雙調四十九字

月宮春

毛文錫

水晶宮裏桂花開神仙探幾回紅芳金蕊繡重臺低傾
瑪瑙杯 玉兔銀蟾爭守護姮娥姹女戲相偎遙聽鈞
天九奏玉皇親看來

雙韻子

雙調四十九字

雙韻子

張先

鳴鞘電過曉闈靜斂龍旂風定鳳樓暎出霏煙聞笑語
中天迴 清光近歡聲競鴛鴦集仙花鬪影更聞度曲
瑤山升瑞日春宮永

河瀆神

雙調四十九字前後段分平仄韻此調詞家多填為祠廟之作亦九歌迎神送神意也

河瀆神

温庭筠

河上望叢祠廟前風雨來時楚山無限鳥飛遲蘭棹空傷別離何處杜鵑啼不歇豔紅開盡如血蟬鬢美人愁絕百花芳草佳節

前調

温庭筠

孤廟對寒潮西陵風雨瀟瀟謝娘惆悵倚蘭橈淚流玉筋千條暮天愁聽思歸樂早梅香滿山郭回首兩情蕭索離魂何處飄泊

前調

温庭筠

銅鼓賽神來滿庭幡蓋徘徊水村江浦過風雷楚山如

畫煙開離別櫓聲空蕭索玉容惆悵妝薄青麥燕飛落落捲簾愁對珠閣

前調

孫光憲

汾水碧依依黃雲落葉初飛翠娥一去不言歸廟門空掩斜暉四壁陰森排古畫依舊瓊輪羽駕小殿沉沉清夜銀燈飄落香炷

前調

孫光憲

江上草芊芊春晚湘妃廟前一方卵色楚南天數行斜鴈聯翩獨倚朱闌情不極魂斷終朝相憶兩槳不知消息遠汀時起鷓鴣

前調

女城祠效花間體

辛棄疾

芳草綠萋萋斷腸絕浦相思山頭人望翠雲旗蕙肴桂
酒君歸惆悵畫檐雙燕舞東風吹散靈雨香火冷殘
簫鼓斜陽門外今古

前調又一體

張泌

古樹噪寒鴉滿庭楓葉蘆花晝燈當午隔輕紗畫閣珠
簾影斜門外往來祈賽客翩翩帆落天涯回首隔江
煙火渡頭三兩人家

月中行

雙調四十九字

月中行

韓澆

柳嬌花妒燕鶯喧斷腸空眼穿一春風雨夜厭厭不聞

鐘鼓傳香冷曲屏羅帳掩園林誰與上秋千憶得年
時鳳枕日高猶醉眠

前調又一體

陳允平

鬢雲斜插映山紅春重淡香融自攜紈扇出簾櫳花下
撲飛蟲薔薇架底偏宜酒纖纖自引金鍾倦歌佯醉
倚東風愁在落紅中

玉連環

又一體雙調四十九字

玉連環

蜀妓陳鳳儀

蜀江春色濃如霧擁雙旌歸去海棠也似別君難一點
點啼紅雨此去馬蹄何處向沙堤新路禁林賜宴賞

花時還憶著西樓否

少年遊

雙調四十九字

少年遊

周密

松風蘭露滴崖陰
瑶艸入簾青
玉鳳驚飛翠蛟時
舞噴薄濺春雲
冰壺不受人間暑
幽碧弄珍禽
花外琴臺竹邊棋
野處處閒情

前調

周密

簾銷寶篆捲宮羅
蜂蝶撲飛梭
一樣春風燕梁鶯戶那處得春多
曉妝日日隨春輦
多在牡丹坡
花深深處柳陰陰
處一片笙歌

更漏子

又一體雙調四十九字

更漏子

歐陽炯

三十六宮秋夜永
露華點滴高梧
丁丁玉漏咽銅壺
明月上金鋪
紅線毯博山爐
香風暗觸流蘇
羊車一去長青蕪
鏡塵綵鸞孤

御選歷代詩餘卷十九



